



Comuni de Sabarussa

Provìntzia de Aristanis

VERBALI DE DELIBERATZIONI DE SA GIUNTA COMUNALI

N. **85**
DE SU 16/11/2020

CHISTIONI:

**CÒMPORA TEST ANTIGÈNICUS PO SCREENING IN IS
SCOLAS DE SABARUSSA PO CUMBATI
S'MERGÈNTZIA DE COVID-19**

Su 16 de su mesi de onnisanti de su 2020 a is ses de merì in sa sala atòbius sunt cunvocaus is cumponentis de sa Giunta Comunali:

| Cognome e Nome | Presente |
|--------------------------------|---------------------|
| 1. TENDAS GIAN MARIO - Sindigu | Sì |
| 2. CASU RITA - Vice Sindigu | Sì |
| 3. PICCU ANDREA - Assessori | Sì |
| 4. MANCA ANDREA - Assessori | Sì |
| | Totali Presentis: 4 |
| | Totali Ausentis: 0 |

Est presenti su Segretàriu comunali Dott. Marco Casula chi fait su verbali.
Su nùmeru de is presentis est legali.

SA GIUNTA COMUNALI

Premìtiu ca in su comuni de Sabarussa est incapitendi de àiri casus meda de covid- 19;

Pigau a cunsideru ca custas personis podint àiri tentu cuntatus cun pipius, piciocheddus e maistus chi frequentant is iscolas elementaris e mèdias;

Valutau ca est netzessàriu fai calincuna cosa po agiudai is struturas sanitàrias a cumbati s'ispainadura de su virus;

Ritènniu de depi giai indiritzus po comporai Test Antigènicus (cd. Tamponis Lestus) po fai custa atividadi de screening;

Pigau a cunsideru ca in custa primu fasi tocat a donai precedèntzia a is categorias nomonadas asuba e duncas tocat a comporai asumancu n. 300 kit po is Test Antigènicus;

Achirius is parris a favori apitzus de sa fatibildadi tècnica e econòmica de is Responsàbilis de su Servìtziu Amministrativu e Finanziàriu cunforma a s'art. 49 de su Tuel;

Cun totu is votus a favori;

DELIBERAT

De depi giai indiritzus po comporai Test Antigènicus (cd. Tamponis Lestus) po fai custa atividadi de screening prima de totu intra de is pipius e piciocheddus de is scolas de Sabarussa e is cuntatus issoru chi tenint difficultadi a atzedi a su tamponi molecolari chi benit fatu de s'ATS;

De scerai in n. 300 is Test de comporai;

De imputai a su cap. 2605 sa somma de € 3.000,00 po protzedi a sa còmpora;

De decrarai, cun totu is votus a favori custa deliberatzioni esecutabili a lestru cunforma a s'art. 134, corriedda 4, TUEL.